

Vorrede.

den vnd allerley Irrwege angegeben/
den richtigen Zugang dahin zu verhin-
dern vnd auffzuhalten: seynd sie doch
endlich als betriegliche Leute / falsche
Laboranten, vnerfahrne Landstreicher
erfunden/ bey denen weder Krafft noch
Safft / weder Nutz noch Frommen/
endlich vermercket vnd verspüret wor-
den. Mit einem Worte / werden sie
verlogene Alchymisten genennet / wel-
che mit ihren falschen Processen hohes
vnd nidriges Standes verführen vnd
beschwaßen / auffsetzen / vnd von vn-
möglichen Dingen daherreden / davon
die Natur vnd der Bestand ganz nichts
weiß: welche alle *Bernhardus* der *Phi-*
losophus in seiner Vorrede recht abmah-
len vnd beschreiben thut / welcher hier-
von wol zu lesen vnd auch zu mercken
ist: Derowegen:

Vor Betrug vnd den argen List/

Der Alchymisten/ hüt dich Christ:

Denn nicht all gute Köche seyn/

Die lange Messer fragn herein/

B

Mit

Impostores
vitandi.